

SiōngChú ê iûⁿkûn

5 Góa sī chhī-tê tiúⁿlô, mā sī Kitok siūkhó ê kiàn-chèng jîn, koh ū hūn tī teh beh hiánhiān ê êngkng. Góa chit-má beh ēng tiúⁿlô ê sinhūn, khókhòng lín tiongkan kah góa kângkhoán sin-ūi tiúⁿlô ê lāng: ² Lín tiòh bôkióng SiōngChú kauthok lín ê iûⁿkûn, tiòh chiàu SiōngChú ê chí chiàu-kò in, m̄ sī chhut tī biánkióng, khiok sī chhut tī kamsim lòkì; mā m̄ sī ūi tiòh tham-châi, khiok sī hoaⁿhí lâi hòksāi; ³ mā m̄ sī beh chò chúlāng lâi koánhat SiōngChú kauthok lín ê iûⁿkûn, khiok sī beh chò in ê hó bôhoān. ⁴ Ánne, tī Tōabókchia hiánhiān ê sī, lín tòh ē tit tiòh éngoán bē sitkhì kongchhái ê êngkoan.

⁵ Kah ánne kângkhoán, lín siàuliān lāng mā tiòh sūnhók tióngpòe. Lín tãike tiòh hōsiong khiam-sùn tùithāi, in-ūi kengtián ū kichài:

SiōngChú kah kiaungō ê lāng chò tùitèk,

siúⁿsù intián hō khiampi ê lāng⁸

⁶ Sói, lín tiòh tī SiōngChú tōa khùilát ê chhiú chi hā kakī khiampi, thang hō¹ tī sī kàu ê sī, ē kā lín koseng. ⁷ Lín tiòh kā itchhè ê chhauhoān kauthok hō SiōngChú, in-ūi l koansim lín.

⁸ Lín tiòh kinsīn, tiòh kengchhéⁿ. In-ūi lín ê tùitèk Môkúi chhinchhiūⁿ teh âu-kiò ê sai, sikhè kiāⁿ teh cháuchhōe ē tàng thunchiáⁿ ê lāng. ⁹ Lín tiòh óakhò kiantēng ê sīnsim lâi tikhòng i, in-ūi lín chai choān sèkài ê hiaⁿtī chímōe lóng teh kenglèk kângkhoán ê khó¹lān. ¹⁰ Chóng sī, siúⁿsù itchhè intián ê SiōngChú, iā tòh sī thongkòe Kitok hō¹tiàu lín lâi tit tiòh l éngoán ê êngkng ê Hit Ūi, tī lín chiāmsī siūkhó liáu-āu, l ē chhinsin sêngchoān lín, kiankò lín, sù lín khùilát, koh kiànlip lín. ¹¹ Goān koānlêng kui hō SiōngChú, titkàu éngéng oáoán. Amen!

Kiatbóe ê Chhéngan

⁸ ChG 箴 3:34

上主 ê 羊群

5 我是一个長老，mā 是基督受苦 ê 見證人，koh 有份 tī teh beh 顯現 ê 榮光。我 chit-má beh 用長老 ê 身分，苦勸 lín 中間 kah 我全款身為長老 ê 人：² Lín tiòh 牧養上主交託 lín ê 羊群，tiòh 照上主 ê 旨意照顧 in，m̄ 是出 tī 勉強，卻是出 tī 甘心樂意；mā m̄ 是為 tiòh 貪財，卻是歡喜來服事；³ mā m̄ 是 beh 做主人來管轄上主交託 lín ê 羊群，卻是 beh 做 in ê 好模範。⁴ Ánne，tī 大牧者顯現 ê 時，lín tòh ē 得 tiòh 永遠 bē 失去光彩 ê 榮冠。

⁵ Kah ánne 全款，lín 少年人 mā tiòh 順服長輩。Lín 大家 tiòh 互相謙遜對待，因為經典有記載：

上主 kah 驕傲 ê 人做對敵，

賞賜恩典 hō 謙卑 ê 人。⁸

⁶ 所以，lín tiòh tī 上主大氣力 ê 手之下 kakī 謙卑，thang hō 祂 tī 時到 ê 時，ē kā lín 高升。⁷ Lín tiòh kā 一切 ê 操煩交託 hō 上主，因為祂關心 lín。

⁸ Lín tiòh 謹慎，tiòh 警醒。因為 lín ê 對敵魔鬼親像 teh âu 叫 ê 獅，四界行 teh 走 chhōe ē tàng 吞食 ê 人。⁹ Lín tiòh óa 靠堅定 ê 信心來抵抗伊，因為 lín 知全世界 ê 兄弟姊妹 lóng teh 經歷全款 ê 苦難。¹⁰ 總是，賞賜一切恩典 ê 上主，也 tòh 是通過基督呼召 lín 來得 tiòh 祂永遠 ê 榮光 ê hit 位，tī lín 暫時受苦了後，祂 ē 親身成全 lín，堅固 lín，賜 lín 氣力，koh 建立 lín。¹¹ 願權能歸 hō 上主，直到永永遠遠。阿們！

結尾 ê 請安

⁸ 箴 3:34

12 Góa siá Chit tiuⁿ tété ê phoe, koh kauthok góa tiongsit ê hiaⁿtī Siláh choánkau hō lín, thang biánlē lín, mā kiànchèng che sī SiōngChú chinsit ê intián. Lín tiòh tī chitê intián téngbīn khiā chāi. 13 Tī Babúlong kah lín kângkhoán siū kóngsoán ê kàuhōe, íkíp góa ê kiáⁿ Mákhó beh kā lín chhéngan. 14 Lín tiòh iōng thiàⁿsim píchhú siochim lâi hōsiong chhéngan. Goān sūi siók Kitok ê lāng lóng tit tiòh pēngan!

12 我寫 chit 張短短 ê phoe, koh 交託我忠實 ê 兄弟西拉轉交 hō lín, thang 勉勵 lín, mā 見證這是上主真實 ê 恩典。Lín tiòh tī chitê 恩典頂面 khiā 在。13 Tī 巴比倫 kah lín 全款受揀選 ê 教會, 以及我 ê kiáⁿ 馬可 beh kā lín 請安。14 Lín tiòh 用疼心彼此相 chim 來互相請安。願所有屬基督 ê 人 lóng 得 tiòh 平安!